

Broj: 01-07-07/2-11-3-1766/23
Sarajevo, 06.11.2023.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, br. 39/14), i Zakona o izmjenama i dopunama Zakona o javnim nabavkama („Službeni glasnik BiH“, broj 59/22) federalni ministar unutrašnjih poslova, **d o n o s i**

O D L U K U

o dodjeli okvirnog sporazuma za nabavku vodo, elektro, građevinskog i drugog materijala i alata u toku 2024. godine i 2025. godine za potrebe Federalnog ministarstva unutrašnjih/unutarnjih poslova

I
Na osnovu odredbi člana 64. stav(1) tačka (b), člana 69. stav (1) tačka a) i člana 70. Zakona o javnim nabavkama („Službeni glasnik BiH“, broj:39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), a na osnovu Odluke o pokretanju postupka javne nabavke vodo, elektro, građevinskog i drugog materijala i alata u toku 2024. godine i 2025. godine broj: 01-06-06/3-11-3-1766/23 od 4.10.2023. godine, putem konkurentskog zahtjeva i Obavještenja o nabavci, broj: 405-7-1-115-3-57/23 od 4.10.2023. godine (Sl. glasnik BiH broj: 69/23), dodjeljuje se okvirni sporazum za nabavku vodo, elektro, građevinskog i drugog materijala i alata u toku 2024. godine i 2025. godine za potrebe Federalnog ministarstva unutrašnjih/unutarnjih poslova.

II
Okvirni sporazum za nabavku vodo, elektro, građevinskog i drugog materijala i alata u toku 2024. godine i 2025. godine za potrebe Federalnog ministarstva unutrašnjih/unutarnjih poslova dodjeljuje se ponuđaču „GRAFIKON“ d.o.o. Sarajevo, koji je dostavio najnižu cijenu ponude u iznosu od 45.335,75 KM bez PDV-a i koji ispunjava sve uvjete predviđene Tenderskom dokumentacijom.

III
Obavezuje se Sektor za materijalno-finansijske poslove Federalnog ministarstva unutrašnjih poslova/Federalno ministarstvo unutarnjih poslova, da shodno Zakonu o javnim nabavkama pripremi sve potrebne akte za sklapanje okvirnog sporazuma sa ponuđačem „GRAFIKON“ d.o.o. Sarajevo.

IV
Ova Odluka objavit će se na web stranici Federalnog ministarstva unutrašnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

V
Ova Odluka stupa na snagu danom donošenja.



Obrazloženje

Rješenjem Federalnog ministra unutrašnjih poslova, broj: 01-07-07/2-11-3-1766/23 od 19.10.2023. godine, formirana je Komisija za provođenje postupka nabavke svih roba, usluga i radova za 2024. godinu i 2025. godinu putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova. Odlukom o pokretanju postupka javne nabavke vodo, elektro, građevinskog i drugog materijala i alata u toku 2024. godine i 2025. godine broj: 01-06-06/3-11-3-1766/23 od 4.10.2023. godine i Obavještenja o nabavci broj: 405-7-1-115-3-57/23 od 4.10.2023. godine pokrenut je postupak javne nabavke.

Komisija je dana 25.10.2023. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku vodo, elektro, građevinskog i drugog materijala i alata u toku 2024. godine i 2025. godine. Komisija je konstatovala sljedeće:

Da su za predviđenu nabavku pristigle dvije blagovremene ponude i to:

1. Ponuđač „**GRAFIKON**“ d.o.o. Sarajevo, sa ukupno ponuđenom cijenom od 45.541,75 KM bez PDV-a, (PDV: 7.742,10 KM), odnosno 53.283,85 sa PDV-om;
2. Ponuđač „**BRAĆA KARIĆ**“ d.o.o. Zenica, sa ukupno ponuđenom cijenom od 48.977,91 KM bez PDV-a, (PDV: 8.326,24KM), odnosno 57.304,15 KM sa PDV-om;

Komisija je na II radnom sastanku Komisije izvršila pregled ponuda te je ustanovila računске greške u ponudi ponuđača „GRAFIKON“ d.o.o. Sarajevo, nakon čega se usaglasila da se ponuđaču pošalje saglasnost za ispravku računskih grešaka.

Komisija je dana 30.10.2023. godine poslala dopis u kome se traži odobrenje za ispravku računskih grešaka, a nakon dobivene saglasnosti za ispravku računskih grešaka od strane ponuđača „GRAFIKON“ d.o.o. Sarajevo dana 31.10.2023. godine Komisija je pristupila ispravci istih, te je nakon izvršenih ispravki ustanovila da ukupna cijena bez PDV-a iznosi: 45.335,75 KM bez PDV-a, (PDV: 7.707,08 KM), odnosno 53.042,83 KM sa PDV-om.

Komisija je u svom daljnjem radu nastavila sa pregledom blagovremeno pristiglih ponuda, pregledom dokumentacije, odnosno da li su blagovremeno pristigle ponude u skladu sa Zakonom o javnim nabavkama i Tenderskom dokumentacijom za konkurentski zahtjev za dostavu ponuda za nabavku vodo, elektro, građevinskog i drugog materijala i alata u toku 2024. godine i 2025. godine za potrebe Federalnog ministarstva unutrašnjih/unutarnjih poslova te je ustanovila sljedeće:

- Ponuđač „**GRAFIKON**“ d.o.o. Sarajevo, sa ukupno ponuđenom cijenom od 45.335,75 KM bez PDV-a, uklapa se u procijenjenu vrijednost javne nabavke koja iznosi 49.000,00 KM bez PDV-a, te sadrži sve potrebne elemente koje su navedene u Tenderskoj dokumentaciji;
- Ponuđač „**BRAĆA KARIĆ**“ d.o.o. Zenica, sa ukupno ponuđenom cijenom od 48.977,91 KM bez PDV-a uklapa se u procijenjenu vrijednost javne nabavke koja iznosi 49.000,00 KM bez PDV-a, nema računskih grešaka, te sadrži sve potrebne elemente koje su navedene u Tenderskoj dokumentaciji;
- S obzirom na to da je obavještenjem o nabavci, broj: 405-7-1-115-3-57/23 od 4.10.2023. godine u ODJELJKU IV 5. i Tenderskom dokumentacijom za konkurentski zahtjev za dostavu

ponuda od 4.10.2023. godine predviđeno korištenje e-aukcije, Komisija je konstatovala da navedeni ponuđači ispunjavaju uslove za učešće u postupku e-aukcije, te je *nadležnoj službi 1.11.2023. godine dostavila zahtjev za zakazivanje e-aukcije, koja je održana 3.11.2023. godine sa početkom u 15,00 sati.*

- Rangiranje prihvatljivih ponuda prema kriteriju za izbor ponude nakon završetka e-aukcije:

Red. br.	Naziv ponuđača	Konačna cijena u KM bez PDV-a	Umanjenje cijene	Rang
1.	„GRAFIKON“ d.o.o. Sarajevo	45.335,75KM	0%	1
2.	„BRAĆA KARIĆ“ d.o.o. Zenica	48.977,91KM	0%	2


S obzirom da je kriterij za dodjelu okvirnog sporazuma najniža cijena, polazeći od gore navedenih konstatacija i činjenica, a u skladu sa Tenderskom dokumentacijom i članom 64. Zakona o javnim nabavkama, Komisija je utvrdila da je ponuđač „GRAFIKON“ d.o.o. Sarajevo dostavio najnižu cijenu u iznosu od 45.335,75 KM bez PDV-a, te da je ponuđena cijena u okviru procijenjene vrijednosti javne nabavke od 49.000,00 KM bez PDV-a.

Shodno kriterijumu za dodjelu okvirnog sporazuma, a u skladu sa članom 64. stav (1) tačka b), članom 70. Zakona o javnim nabavkama („Službeni glasnik BiH“, broj: 39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), Ugovorni organ vođen Izvještajem o radu Komisije i preporukom o dodjeli okvirnog sporazuma, odlučio je kao u dispozitivu ove Odluke.

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka).

Dostaviti:

1. Ponuđačima x2,
2. Sektoru za materijalno - finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis



MINISTAR

Dr. sc. Ramo Isak

SM/ZK

FMUP- ODL